

南湖集

二

菜

南
湖
集

南湖集卷第四

秦川 張 鉉 功甫

五言律詩

春前一日賦呈誠齋覓荆溪詩編且邀看玉照堂

花

頗訝蓬萊主相忘不寄詩荆溪雖有集桂隱未容窺地
勝人難老春回律自移梅花如有語莫似去年時

次韻荅潘茂洪桂花見懷

藉使音書少何妨好尚通看花雖各自覓句卻相同

前日

方送木
樨詩云
嚼藥晨煙裏
攀枝夜月中
亦曾湖上坐
香底水
精宮

次韻酬喻工部雪中見懷

坐厭增冰地
遙思勝熱城
忘名全道用
遠俗養詩情
枕病憐幽獨
心交阻
合并晴春開
徑在自斷學淵明

雪霽

山負紅銅日
雲披綠玉天
一晴聊餞臘
三白已迎年
貴氣樓臺滿
春深松竹先
詩成緣底事
鳥跡印篷船

詩本

詩本無心作君看蝕木蟲旁人無鼻孔我輩豈神通風
雅難齊駕心胸未發蒙吾雖知此理恐墮見聞中

讀樂天詩

詩到香山老方無斧鑿痕目前能轉物筆下盡逢源學
博才兼裕心平氣自溫隨人稱白俗真是小兒言

覓放翁劔南詩集

見說詩并賦嚴陵已盡刊未能親去覓猶喜借來看紙
上春雲湧燈前夜雨闌莫先朝路送政好遺閒官

楊伯子見訪惠示兩詩因次韻并呈誠齋

自作詩中祖翁難子更難波瀾千偈闊光焰九霄寒
覓著由來遠成時自好看頭頭見成字誰道要吟安
別去嘗關夢書來意已強那堪多竹地相對兩繩牀
壯志霜空鶻禪心古廟香糠爐熟黃獨待子數分嘗

次韻羅端規二首

世態從渠變前山只麼新關門便懶退遇事少躬親
和我詩何益知公道不貧兩旬纔識面枉是自由身
雪窗吾畏友稱譽滿中邊往矣非喬木生乎仗老天
官來丹桂裏須醉白鷗前百計安流好紛紛急水船

次武子韻

宇內張夫子詩如孟浩然安心從太末

武子舊從天台宏智師遊借

屋近平泉眼裏彈冠手生來種芋田相投忽離席佳月

戀艤船

暑中楊伯虎見訪翌日有詩來因走筆次韻

領取無多話頻年頓不疎幽尋塵土外高韻笑談餘旣
悟蕉中鹿寧求木上魚論詩能避暑此意復誰如

早飯菴中次張以道韻

豈是幽人眼從來可慣山有時纔得見覓句不曾閒野

日光尤暖溪梅信尚慳飯餘行便去休待暮雲還

次韻楊廷秀左司見贈

願得誠齋句銘心祇舊嘗一朝三昧手五字百般香
絕今何苦衣傳擬自強草元非近效舉世漫匆忙

卽席次吳季行韻

昔逢欣把袂三歎說吳鉤共醉虛堂晚還興故國愁
黃思靖節鬢綠傲浮丘世濟王門業洪流萬斛舟

連日雪未能多曾無逸見惠二首遵歐蘇律禁體

物語及用故事走筆次韻

鵲凍聽無語鷗飢望不飛縱饒居士愛亦自到園稀入
幕燈生暈飄池水長肥何能巧模寫吟思欠幽微
待伴猶虛夜羞明或遇朝但依歌裏舞休向鬢絲飄有
句清堪比令人意自消暖寒林下具相就可須招

簡陳監倉二首

自到南湖日鄰翁識長方一官甘寂寞萬事絕思量疎
見祇緣嬾頻來政不妨松林渾似舊相伴踞胡牀
因病詩全少春中忽夏深清幽百畝地安靜六時心樹
茂晴方好荷新雨未禁泥乾容後日閒步酒隨斟

簡周晞稷

塵土真堪畏君髯美亦衰登樓纔會面促坐便論詩社
日休持酒秋香待滿枝客塗書旋買猶似向來癡

北山早興

出郭涼輿穩山晨氣自濃寺園逢水斷塔路過烟重啄
木聲穿竹凌霄色映松世歡吾儻泥那遂此從容

冬至後五日約客晨往極樂精舍因尋梅湖山作

詩紀事

烟重山彌遠林高日倍鮮抱雞趨野店斟水入冰田未

有三冬雪渾如二月天梅花應早慧著眼竹籬前
未苦撩清興騎驢故遶山松篁高下處雲日往來閒要
是從今後休教枉卻閒烏巾風弄影畫出我詩孱

寄呈尤侍郎二首

臥疾睽人事逾旬只掩扉野情添懶惰宗伯極瞻依籬
落尋黃獨簷楹接翠微

桂隱新
葺山堂

健來方數日詩又不教

肥

珍重尤夫子逢人問死生掃門那憚遠出口直須晴爲
國鬢先白因官名更清何時容卜夜燈畔聽文衡

宿治平院長老善忍自紹興癸酉四月住持余是

年三月生

治平前代寺幽勝占唐昌我始生彌月師初踞上方百
年雖未半三紀獨偏忙一事猶堪哂相隨兩鬢蒼

野芳亭偶書

歲歲閒爲福今朝命最通看蒲逢紫燕弄柳得青蟲但
願詩安帖何心技拙工山林過軒紱誰謂只相同

春晚

湖遠慵呼艇春歸只閉門樹高應翠合竹靜自黃昏軒

冕情終薄詩書好益尊人閒難辦事夜氣要長存

潘茂洪出疆回以汴都畫山水扇見遺報之五言
嵩華平生夢騎驢未得遊橐中分雅惠掌上起新秋報
國何能早需時莫漫憂祇應長近眼過夏亦慵收

代書回寄楊伯虎

僧舍匆匆別飛花雨過春水村居自樂城市嬾尤真載
酒青油舫傳書白錦鱗訪君須及早非是久閒人

過楊伯虎卽席書事

四面圍疎竹中間著小臺有時將客到隨意看花開拂

南浦集卷四
拭莓苔石招攜碼碯杯昏鴉歸欲盡數箇入詩來

春在

春在將回暑晴開常帶陰佳時從易過閒日儘能禁臥
室宜重立浮魚樂又沈有詩無亦好爭似有時心

遊大中乾元寺

突兀前朝寺維舟又一來殿空金像暗徑斷石幢摧物
相依成壞塵緣漫樂哀僧殘無悟語猶幸結宗雷

次韻酬張仲思高郵見寄二首

春來慵把酒閒

去聲

日半僧齋風雨梅花夢谿山老子懷

有人非吏俗同好任天涯歸上青雲日幽期孰與偕
便欲相尋去山光看水光野航因挾策春韭自炊粱踽
踽吾才短翩翩子意長文翁他日譽不但勸農桑

次韻酬楊伯子兼呈誠齋

我固有詩癖憐君尤苦心自聞非爲俗異處卻同音病
後閒方乞湖邊秋漸深排門聽車騎相與話幽襟

見說聰明早童年便與元細看今日句宛似乃翁篇家
譜無他姓文星聚此邊何須待千首一首已堪傳

清暉閣在柳洲寺舊址二首

去市無多地重遊淨客心何人偏種柳今日屢鳴禽浩
興生孤槩歸情戀遠岑梁閒滿題詠寧欠我窺臨
幽寺知何處風鐘送遠撞孤花明几席陰樹惜軒窗喚
渡輕舟競窺人白鳥雙寸心方自適宵易利榮降

買書

自笑從來癖詩書滿屋藏不充饑鼠啄卽飽蠹魚腸插
架牙籤整開編竹簡香他年林下去誰與記山房

寒食

地僻人稀到簷虛燕未過清愁詩酒少寒食雨風多名

字因農具襟懷屬釣蓑莫驚時節換安分看如何

山茶花

翠翼高攢葉朱纓澹拂花來從山塹側開稱畫簷牙影
薄誰停繡香清似煮茶幾多輕斂態月動夾牕紗

楊伯子過訪翌日以兩詩見貽因次韻荅

晴色今朝好春光恰半頭波清如釣渭園事勝封畱瘦
覺中黃合閒宜大白浮無端同志侶相過結詩愁

句業誠淵海愚方一葦航空成由也瑟難應女媧簣擬
易乾坤別傳家父子香整翰從此去拭背望朝陽